



"KERAS HATI"

الْحَمْدُ لِلَّهِ الْقَائِلِ: فَبِمَا نَقَضِهِمْ مِيثَاقَهُمْ لَعَنَّاهُمْ
وَجَعَلْنَا قُلُوبَهُمْ قَاسِيَةً يُحَرِّفُونَ^ط الْكَلِمَ عَن
مَوَاضِعِهِ^ل وَنَسُوا حَظًّا مِمَّا ذُكِّرُوا بِهِ...
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ
وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ
وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ
أَجْمَعِينَ. أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ،
أَوْصِيَكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ
اللَّهُ تَعَالَى: يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تَقَاتِهِ
وَلَا تَمُوتُنَّ إِلَّا وَأَنْتُمْ مُسْلِمُونَ.

Sidang Jumaat Yang Dirahmati Allah.

Saya mengingatkan diri saya dan sidang hadirin sekalian, agar sentiasa meningkatkan ketakwaan kita kepada Allah SWT. Takwa itu dapat ditingkatkan



dengan melaksanakan segala perintah Allah SWT dan meninggalkan segala larangan-Nya. Mudah-mudahan kita tergolong dalam golongan hamba-hamba-Nya yang mendapat rahmat dan kasih sayang serta perlindungan Allah SWT.

Pada kesempatan Jumaat hari yang mulia ini, marilah sama-sama kita menghayati khutbah yang bertajuk: "**KERAS HATI**".

Sidang Jumaat yang dirahmati Allah,

Rasulullah SAW adalah individu yang merupakan sebaik-baik guru kepada umatnya, baginda mengajarkan dan berpesan kepada kita dari sebesar-besar perkara hingga sekecil-kecil perkara pada pandangan kita. Sempena dengan tajuk khutbah pada minggu ini, khatib ingin mengingatkan kembali sabda Baginda S.A.W yang menjadi akar tunjang kepada manusia sekaliannya.

Hadis daripada Nu'man Bin Basyir R.A bahawa Rasulullah SAW telah bersabda:

أَلَا وَإِنَّ فِي الْجَسَدِ مُضْغَةً، إِذَا صَلَحَتْ، صَلَحَ الْجَسَدُ كُلُّهُ، وَإِذَا فَسَدَتْ، فَسَدَ الْجَسَدُ كُلُّهُ، أَلَا وَهِيَ الْقَلْبُ

"Ketahuilah, sesungguhnya pada sesebuah jasad itu ada seketul daging, jika baik ketulan daging tersebut, maka baiklah keseluruhannya dan jika rosak ketulan daging tersebut maka rosaklah keseluruhannya, ketahuilah ia adalah hati."

(Riwayat al-Bukhari dan Muslim).



Berdasarkan hadis yang dibacakan tadi, jelas bagi kita bahawa hati itu amat memberikan kesan kepada sesebuah jasad yang bernyawa, sekiranya seketul daging itu dijaga dengan baik, maka baiklah keseluruhannya, jika sebaliknya pula, maka buruklah akibatnya. Oleh yang demikian, seorang Muslim itu janganlah mengambil mudah dengan pesanan Baginda SAW untuk menjaga hati dan nurani.

Sidang Jumaat yang dirahmati Allah,

Para ulama telah banyak membahaskan perkara-perkara yang berkaitan kekerasan hati dan sebab-sebab hati menjadi keras.

Telah dinukilkan oleh Ibnu al-Qayyim dalam kitabnya Bada'i al-Fawaid yang bermaksud:

"Tatkala mata telah mengalami kekeringan disebabkan tidak pernah menangis karena takut kepada Allah SWT, maka ketahuilah bahawa sesungguhnya keringnya mata itu adalah bersumber dari kerasnya hati. Hati yang paling jauh dari Allah adalah hati yang keras"

Berdasarkan kata-kata yang telah disebutkan itu, ianya juga adalah bersesuaian dengan sabda Nabi SAW akan perihal sifat yang disukai oleh Allah itu sendiri.

Hadis daripada Aisyah RA bahawa Rasulullah SAW telah bersabda:

إِنَّ اللَّهَ يُحِبُّ الرِّفْقَ فِي الْأَمْرِ كُلِّهِ

"*Sesungguhnya Allah S.W.T menyukai sifat lemah lembut pada setiap perkara.*"

(Riwayat Al-Bukhari dan Muslim).



Daripada maksud hadis tersebut, maka fahamlah kita, bahawa kebanyakan hati yang keras itu, adalah berlawanan dengan apa yang disukai Allah, dan tanpa kita sedar bahawa kita semakin menjauhi Allah hanya kerana kealpaan kita sendiri dalam menjaga hati.

Sidang Jumaat yang dirahmati Allah,

Terlalu banyak faktor yang membentuk kekerasan hati manusia, kerana tidak menjaga hubungan dengan Allah, yang padanya sentiasa berlaku kemaksiatan. Sememangnya adalah menjadi salah satu sebab yang paling tepat terhadap perubahan hati tersebut. Tidakkah kita pernah dengar sabda Nabi SAW berkaitan titik hitam pada hati?

Imam at-Tirmizi meriwayatkan hadis daripada Abu Hurairah RA bahawa Nabi SAW bersabda yang bermaksud:

"Sesungguhnya seseorang mukmin, jika ia mengerjakan suatu perbuatan dosa, maka akan timbul titik hitam dalam hatinya. Jika ia bertaubat, menarik diri dari dosa itu, dan mencari redha Allah, maka hatinya menjadi jernih. Jika dosanya bertambah, maka bertambah pula titiknya sehingga memenuhi hatinya. Itulah yang disebut "ar-ran" (penutup), yang disebut oleh Allah Ta'ala dalam firman-Nyayang bermaksud, 'Sekali-kali tidak (demikian), sebenarnya apa yang telah mereka usahakan itu menutupi hati mereka"

Sesungguhnya jelas sekali cerita yang dapat digambarkan dari hadis ini, setiap dosa-dosa yang dilakukan tanpa taubat, akan mengakibatkan hati kita diselaputi oleh titik hitam kemudian akan menjadi gelap gelita.

Sidang Jumaat yang dirahmati Allah,



Begitu banyak lagi perbuatan-perbuatan maksiat yang pada akhirnya akan mengakibatkan kerasnya hati. Antaranya yang lain selain daripada dosa dan noda itu ialah terlalu banyak tertawa, makan makanan yang haram, berlebihan dalam berbicara tentang perkara-perkara yang tidak berfaedah, tidak membaca al-Quran, kurang berzikir pada Allah, dikelilingi oleh kawan-kawan yang buruk akhlak dan lemah amalan agamanya dan lain-lain lagi. Semua perkara yang membentuk diri kita menjadi lalai kepada Allah akan menambahkan kekerasan hati secara tidak langsung.

Antara cara untuk melembutkan hati kita ialah dengan menziarahi kubur sepertimana hadis daripada Anas Bin Malik RA bahawa Nabi Muhammad SAW bersabda:

كُنْتُ نَهَيْتُكُمْ عَنْ زِيَارَةِ الْقُبُورِ، أَلَا
فَزُورُوهَا، فَإِنَّهُ يُرِقُّ الْقَلْبَ، وَتُدْمِعُ الْعَيْنَ،
وَتُذَكِّرُ الْآخِرَةَ، وَلَا تَقُولُوا هُجْرًا.

"Dahulu aku telah melarang kalian dari menziarahi kubur, sekarang berziarahlah kerana sesungguhnya ia dapat melembutkan hati, menitiskan air mata dan mengingatkan kepada Hari Akhirat. Akan tetapi janganlah kalian berkata-kata dengan perkataan yang keji dan batil."

(Riwayat Al-Hakim).

Selain dari itu juga, antara ibadah lain yang dapat melembutkan hati insan ialah:

- 1) Hendaklah membaca al-Qur'an dengan penuh penghayatan



- 2) Hendaklah memperbanyakkan amalan ibadah dan berzikir kepada Allah SWT.
- 3) Hendaklah mengingati kematian dan menziarahi orang-orang yang sakit, mengiringi jenazah ke kubur.
- 4) Hendaklah memakan makanan yang halal.
- 5) Hendaklah sering mendengarkan nasihat dan kuliah agama.
- 6) Hendaklah mengingati kengerian hari kiamat, agar kita bersedia untuk menghadap Allah SWT; dan,
- 7) Hendaklah sentiasa berdoa kepada Allah agar dapat melembutkan hati kita supaya dijauhi daripada sifat kotor dan keji.

Sidang Jumaat yang dirahmati Allah,

Perbuatan manusia bersumber dari hatinya, disaat ketika hatinya selamat dari sifat-sifat yang kotor dan keji, maka perbuatan tersebut akan mencerminkan perilaku yang islami dan jauh dari maksiat kepada Allah S.W.T, dan seharusnya bagi kita, untuk selalu berdoa agar dikurniakan kelembutan hati, moga-moga dengan kelembutan hati itu, Allah kurniakan keatas kita kebaikan.

Pada hari ini, saya mengingatkan diri saya dan menyeru sidang Jumaat sekalian, janganlah kita membiarkan hati kita menjadi seperti hati kaum Yahudi, dihina dan dikeji kerana kekerasan hati mereka, maka selamanya mereka didalam kesesatan dan mendapat celaan dari Allah SWT.



أَعُوذُ بِاللَّهِ مِنَ الشَّيْطَانِ الرَّجِيمِ
فَلَوْلَا إِذْ جَاءَهُمْ بَأْسُنَا تَضَرَّعُوا وَلَٰكِنْ قَسَتْ قُلُوبُهُمْ
وَزَيَّنَ لَهُمُ الشَّيْطَانُ مَا كَانُوا يَعْمَلُونَ ﴿٤٣﴾

"Maka alangkah eloknya kalau mereka berdoa kepada Kami dengan merendah diri (serta insaf dan bertaubat) ketika mereka ditimpa azab Kami? tetapi yang sebenarnya hati mereka keras (tidak mahu menerima kebenaran), dan Syaitan pula memperelokkan pada (pandangan) mereka apa yang mereka telah lakukan".

(al-an'am : 43).



بَارَكَ اللَّهُ لِي وَلَكُمْ بِالْقُرْآنِ الْعَظِيمِ،
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ
الْحَكِيمِ وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ
السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي
وَلَكُمْ وَلِسَائِرِ الْمُسْلِمِينَ وَالْمُسْلِمَاتِ،
فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.



KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ
وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ فَقَدْ
فَازَ الْمُتَّقُونَ.

Sidang Jumaat yang dirahmati Allah SWT,

Mimbar Jumaat sekali lagi berpesan bahawa Islam mengajar umatnya supaya bersikap sederhana dalam segala amalan dan tindakan. Pada masa yang sama umat Islam disaran supaya menjauhi sebarang bentuk perbuatan ekstremis yang kesannya akan menjejaskan keharmonian, perpaduan, keselamatan ummah dan Negara. Tindakan ekstremis juga boleh memberikan tanggapan negatif terhadap kesucian dan kemuliaan agama islam. Sebaliknya seluruh umat islam amatlah dituntut agar menampilkan kemuliaan akhlak, sikap dan keperibadian tinggi sebagai muslim sejati agar



umum mengetahui bahawa Rasulullah SAW diutus dan Islam yang diperjuangkan adalah rahmat bagi seluruh umat dan sekalian alam.

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا
الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا. اللَّهُمَّ
صَلِّ وَسَلِّمْ عَلَى سَيِّدِ الْمُرْسَلِينَ وَارْضَ اللَّهُمَّ عَنْ
أَصْحَابِهِ وَقَرَابَتِهِ وَأَزْوَاجِهِ وَذُرِّيَّاتِهِ أَجْمَعِينَ.
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ ، إِنَّكَ
سَمِيعٌ قَرِيبٌ مُجِيبُ الدَّعَوَاتِ يَا قَاضِيَ
الْحَاجَاتِ. اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ
الْأَمِينِ، وَنَسْأَلُكَ بِأَسْمَائِكَ الْحُسْنَى وَصِفَاتِكَ
الْعُظْمَى أَنْ تَحْفَظَ بَعَيْنَ عِنَايَتِكَ الرَّبَّانِيَّةِ وَبِحِفْظِ
وَقَايَتِكَ الصَّمَدَانِيَّةِ، جَلَالَةَ مَلِكِنَا الْمُعْظَمِ سُلْطَانَ



سَلَاغُور، سُلْطَانُ شَرَفُ الدِّينِ ادریس شاه
الحاج ابن المرحوم سُلْطَانُ صَلَاحُ الدِّينِ عبد
العزیز شاه الحاج. اَللّٰهُمَّ اَدِمِ الْعَوْنَ وَالْهُدَايَةَ
وَالتَّوْفِیْقَ، وَالصِّحَّةَ وَالسَّلَامَةَ مِنْكَ، لِوَلِيِّ عَهْدِ
سَلَاغُور، تَعَكَوْ اَمِیرِ شَاهِ ابْنِ السُّلْطَانِ شَرَفُ
الدِّينِ ادریس شاه الحاج فِیْ اَمْنٍ وَصَلَاحٍ وَعَافِیَةِ
بِمَنَّكَ وَكَرَمِكَ يَا ذَا الْجَلَالِ وَالْاِکْرَامِ. اَللّٰهُمَّ اَطِّلْ
عُمَرَهُمَا مُصْلِحِیْنَ لِلْمُوَظَّفِیْنَ وَالرَّعِیَّةِ وَالْبِلَادِ،
وَبَلِّغْ مَقَاصِدَهُمَا لِطَرِیْقِ الْهُدٰی وَالرَّشَادِ.

Ya Allah, Engkaulah Tuhan yang Maha berkuasa, kami bersyukur kehadiran-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri yang maju, sejahtera dan berkeadilan.

Justeru kami pohon kehadiran-Mu ya Allah, tetapkanlah iman kami, terimalah amalan kami, kukuhkanlah perpaduan kami, murahkanlah rezeki



kami, kayakanlah kami dengan ilmu yang bermanfaat, suburkanlah jiwa kami dengan budi pekerti yang mulia, kembalikanlah kami ke jalan yang Engkau redhai, lindungilah kami daripada bala bencana dan ujian-Mu yang berat supaya dengan demikian, negeri kami akan sentiasa bertambah makmur dan berkat.

Ya Allah, kami pohon kehadiranmu, mantapkanlah pegangan kami menurut ajaran Ahli Sunnah Waljamaah dan peliharalah kami daripada amalan dan akidah yang menyeleweng dan sesat seperti fahaman syiah yang melampau dan Qadyani serta lain-lain fahaman.

Ya Allah, bukannya hati kami untuk mendirikan solat fardhu lima waktu, menunaikan zakat dan kefarduan yang lain. Berkatilah hidup orang-orang yang melaksanakan zakat dan menyayangi fakir miskin serta mereka yang menginfakkan harta untuk Tabung Amanah Pembangunan Islam Selangor dengan ganjaran pahala yang berkekalan hingga ke hari akhirat.

Demikian juga ya Allah, tambah dan luaskanlah rezeki orang yang mewakafkan hartanya, terimalah wakaf mereka dengan ganjaran pahala yang berkekalan hingga ke hari akhirat.

رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا
حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ. عِبَادَ
اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي



الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ
يُعِظُكُمْ لَعَلَّكُمْ تَذَكَّرُونَ ﴿٩٠﴾

فَاذْكُرُوا اللَّهَ الْعَظِيمَ يَذُكُرْكُمْ وَأَشْكُرُوهُ عَلَىٰ
نِعْمِهِ يَزِدْكُمْ، وَأَسْأَلُوهُ مِنْ فَضْلِهِ يُعْطِكُمْ
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.